

Da li je dozvoljeno na internet stranicama koristiti izmišljeno ime

[Bosanski – Bosnian – بوسني]

www.islamqa.info

Prijevod:

Mirza Musić

Revizija:

Ersan Grahovac

2014 - 1435

IslamHouse.com

هل يدخل إلى المواقع باسم

مستعار؟

« باللغة البوسنية »

موقع الإسلام - سؤال وجواب

ترجمة:

مرزا موستش

مراجعة:

أرسان غراهوفاتس

2014 - 1435

IslamHouse.com

Da li je dozvoljeno na internet stranicama koristiti izmišljeno ime?

Pitanje:

Ja sam od onih koji ulaze na Paltalk s ciljem pozivanja u Allahovu vjeru, pa moje pitanje glasi:

Koji je propis ulaska na ovakvu stranicu koristeći se izmišljenim imenom, s namjerom da se okoristim ili budem od koristi?

Pitam, jer smo čuli neke kako govore: To nije dozvoljeno, i neophodno je da ljudi, a posebno oni koji pozivaju ka Allahu, koriste prava imena, da ne bi sudjelovali u stvaranju ružne slike o dajjama i dobročiniteljima na Paltalku, dokazujući to s tim što izmišljena imena... Uvaženi Šejh, imajući u vidu da većina onih koji ulaze na stranice, posebno islamske, ulaze pod izmišljenim imenima izbjegavajući time moguće probleme i bojeći se hvalisanja (rijaluka) i sl.

Pa da li je ovakav stav ispravan?

Odgovor:

Zahvala pripada Allahu;

Ono što se da primjetiti jeste da je taj postupak dozvoljen, te da nema smetnje u tome, iz sljedećih razloga:

Prvo:

Većina posjetitelja tih stranica zna da ta imena nisu stvarna, nego da predstavljaju obilježje ili nadimak onog koji piše.

Drugo:

To se ne smatra kao laž, jer vlasnici tih stranica ne uslovljavaju da njeni korisnici to čine pod ličnim imenima.

Treće:

Nema smetnje da čovjek sebi da ime po kojem će biti zvan, ili nadimak po kojem će biti poznat, tako da će to ime ili nadimak biti korišteno umjesto njegovog stvarnog imena, i to se neće karakterisati kao laž.

Četvrto:

Nekada se može desiti da ulazak na te stranice pod ličnim imenom nekim osobama prouzrokuje određenu štetu, tako da onda odabere sebi izmišljeno ime ili nadimak i sl.

Peto:

Nekada se može desiti da u neisticanju ličnog imena ima određena korist, kao da se recimo radi o nekom poznatom dajji, tako ako bi se predstavio pod pravim imenom to bi bio uzrok da bude napadnut od strane novotara i bude uveden u diskusije i rasprave s njima, znajući da on posjeduje čvrste argumente, ili se

čak može desiti da bude blokiran na stranici od strane administratora i sl.

Stoga smatram da nema smetnje u ulasku na ovakve stranice i blogove koristeći pri tome izmišljena imena.

A Allah najbolje zna.

Islam, pitanja i odgovori.